

Ang Gahum sa Dios

Gitipon Ni Watson Goodman

Libre Dili Ibaligya

ANG GAHUM SA DIOS

Unsaon man pagpasabot sa tawo ang mahitungod sa gahum sa atong Magbubuhat? O mahitungod kaha sa kahibalo sa tanang butang diha sa atong way utlanang Dios? Dili mahimo, kay dili man matugkad sa hunahuna sa tawo ang iyang pagkagamhanan, ang iyang pagkahalangdon, o ang iyang pagkadako.

Apan ang Dios mismo nagpadayag sa iyang kaugalingon diha sa Biblia nga mao ang Balaang Kasulatan. Igo na kini paghatag kanatog maayong talan-awon sa iyang gahum sa pagbuhat sa bisan unsa, bisan gani sa mga butang nga wala palandong sa tawo. Gibuhat niya ang kalibutan ug gibutang kini sa kawanangan ug tungod kay gikuptan man kini sa iyang gahum, anaa gihapon kini sulod sa linibo ka katuigan. Bisan pa sa daotang gahum ni Satanas ug sa sala sa tawo, ang Dios nagasapnay gihapon sa kalibotan.

Tukion nato karon ang gipadayag sa Pulong sa Dios mahitungod sa iyang walay kinutubang gahum.

—Watson Goodman, 1920-2002

Gibuhat sa GINOO ang yuta pinaagi sa iyang gahom; gimugna niya ang kalibotan pinaagi sa iyang kaalam, ug pinaagi sa iyang kabatid gihikyad niya ang langit.
—Jeremias 10:12

Busa kang kinsa man ninyo ipakasama ang Dios?... Gibuhat kini sa Dios nga naglingkod sa iyang trono sa ibabaw sa kalibotan, ug ang tawo sa ubos daw mga hulmigas lamang. Siya maoy naghikyad sa langit ingon sa usa ka kurtina, ug nagbukhad niini ingon sa usa ka tolda aron

puy-an. Busa kang kinsa man ninyo itandi ang Balaang Dios? Aduna bay sama kaniya? Hangad kamo sa langit: kinsay nagbuhat sa kabituonan? Gimandon niya sila ug gipahimutang ug gihatagag tagsatagsa ka ngalan; tungod sa iyang pagkagamhanan, walay usa kanila nga nawala.
—Isaias 40:18a, 22, 25, 26

“O Ginoong Dios! Ikaw ang naghimo sa langit ug sa yuta pinaagi sa imong kahibulongang gahom; walay butang nga lisod alang kanimo.” —Jeremias 32:17

SI SATANAS DILI MAKAMUGNA UG PLANETA ARON IBITAY SA KAWANANGAN

Si Jesus mitubag kanila, “Nakita ko si Satanas nga nahulog ingon sa kilat gikan sa langit.”

—Lucas 10:18

Pagmaigmat ug pagmabinantayon kamo kay ang inyong kaaway nga mao ang Yawa naglibotlibot kaninyo sama sa liyon nga nagngulob, nangita ug tukbonon.

—1 Pedro 5:8

Sa wala pay nabuhat bisan unsa, ang Pulong diha na. Ang Pulong uban sa Dios ug ang Pulong Dios.... Pinaagi kaniya gibuhat sa Dios ang tanan ug walay bisan usa sa tanan nga nabuhat

nga dili pinaagi kaniya.... Apan ang kawatan [Satanas] moanhi aron lamang pagpangawat, pagpatay ug paglaglag.

—Juan 1:1 ug 3; 10:10a

Unya si Jesus miingon na usab sa mga Pariseo, “Ako mao ang kahayag sa kalibotan. Ang mosunod kanako dili na gayod maglakaw diha sa kangitngit kondili makabaton hinuon sa kahayag sa kinabuhi.”

—Juan 8:12

Dili ko buot nga mahimo kamong kaabin sa mga yawa.

—1 Corinto 10:20b

Sa makausa nag-ingon ang Dios; kaduha ko kini madungog nga ang gahom iya sa Dios.

—Salmo 62:11

Ako mao ang Dios ug ako Dios gayod sa tanang panahon; walay makalikay sa akong gahom....

—Isaias 43:13a

Imo, O GINOO, ang pagkahalangdon, ang gahom, ang himaya, ang kadaogan ug imo ang tanan nga anaa sa langit ug sa yuta ingon man ang gingharian ug labaw ikaw sa tanan. Gikan kanimo ang bahandi ug dungog, hari ka sa tanan ug anaa kanimo

ang tanang gahom ug kusog ug makahatag kag gahom ug kusog sa tanan. —1 Cronicas 29:11, 12

“O Ginoong Dios, sinugdanan pa lamang kini sa imong pagpakita ngari kanako nga imong alagad sa imong pagkagamhanan kay walay laing dios sa langit ug sa yuta nga makahimo sa mga milagro sama sa imong gibuhat.”

—Deuteronomio 3:24

“Kay alang sa Dios walay dili mahimo.”

—Lucas 1:37

Ikaw ang Dios nga naghimog mga milagro, ug gipakita mo sa kanasoran ang imong gahom.

—Salmo 77:14

4 ANG KADAKU SA WALAY KAHANGTURAN NGA GAHUM SA DIOS

“Gamhanan, O GINOO, ang tuo mong kamot; gidugmok niini ang mga kaaway. Sa imong harianong kadaogan, gipuo mo ang imong kaaway; ang imong kasuko nagdilaab ug misunog kanila sama sa dagami.” —Exodo 15:6, 7

Gamhanan kaayo ang atong Ginoo; dili matukib ang iyang ka-hibalo. —Salmo 147:5

“O GINOO, ikaw ra gayod ang GINOO. Gibuhat mo ang kalangitan ug kabituonan nga anaa niini. Gibuhat mo ang yuta ug ang

dagat ug ang tanan nga anaa niini. Naghatag ka ug kinabuhi sa tanan.” —Nehemias 9:6

Dayga ang GINOO, O akong kalag! O GINOO nga akong Dios, pagkagamhanan mo gayod! Nag-sul-ob ka sa kahalangdon ug himaya. —Salmo 104:1

Pasalamat ko ikaw sa adlawng tanan, ug dayegon ko ikaw hangtod sa kahangtoran. Gamhanan ang GINOO ug angayan gayod nga daygon siya; dili matukib ang iyang gahom. —Salmo 145:2, 3

ANG GAHUM SA DIOS WALAY KATAPUSAN 5

Saligi kanunay ang GINOO kay siya mao ang batong dalangpanan nga magpabilin hangtod sa hangtod. —Isaias 26:4

Sa wala mo pa buhata ang kabukiran ug sa wala pa nimo himoa ang kalibotan, Dios ka na, walay sinugdanan ug walay kataposan. —Salmo 90:2

Apan ikaw, O GINOO, mao ang matuod nga Dios; buhi ka ug hari hangtod sa kahangtoran. Mokurog ang kalibotan kon masuko ka, ug walay nasod nga dili mahadlok sa imong kasuko. —Jeremias 10:10

...May naninggit didto sa lanngit nga nag-ingon, “Ang gingharian sa kalibotan nahimo nang gingharian sa atong Ginoo ug sa iyang Cristo ug maghari siya hangtod sa kahangtoran!” —Gipadayag 11:15b

Ang Gahum ni Satanas Pagagun-obon

Ang Yawa nga naglimbong kanila gitambog usab ngadto sa linaw nga kalayo ug asupre diin gitambog ang mananap ug ang bakakong propeta. Didto sakiton sila adlaw ug gabii hangtod sa kahangtoran. —Gipadayag 20:10

6 ANG MAKAAHADLOK NGA GAHUM SA DIOS NGA GIPAKITA DIDTO SA DAGAT NGA PULA

Unya giisa ni Moises ang iyang kamot ibabaw sa dagat ug gipa-sibog sa GINOO ang dagat pinaagi sa kusog nga hangin gikan sa silangan nga mihuros sa tibuok gabii. Nabahin ang tubig ug nau-ga ang taliwala niini ug miagi niini ang mga Israelita. Sa isig-kakilid nila nahimong daw duha ka paril ang tubig.... Ang GINOO miingon kang Moises, “lisa ang imong kamot ibabaw sa dagat ug motikyop ang tubig ug matabonan ang mga Ehiptohanon uban sa ilang mga karwahi ug

mga magkakabayo.” Busa giisa ni Moises ang iyang kamot ibabaw sa dagat ug sa pagkabuntag nahibalik ang dagat. Misulay ang mga Ehiptohanon sa pag-ikyap apan nasugat hinuon nila ang tubig.... Niadtong adlaw, giluwag sa GINOO ang katawhan sa Israel ug nakita sa mga Israelita ang mga patayng lawas sa mga Ehiptohanon nga nagbuy-od sa baybayon. Nakita nila ang talagsaong gahom nga gigamit sa GINOO batok sa mga Ehiptohanon. —Exodo 14:21, 22, 26, 27, 30, 31a

WALAY MILAGRO NGA DAKU KAAYO ALANG SA DIOS 7

*Nagpaka-on Sa Milyon
Katawo Sulod
Sa Kuwarenta Ka Tuig*

“...Inigkangitngit na, makadawat silag karne ug sa pagkabuntag madawat nila ang tanang pagkaon nga ilang gikinahanglan. Unya masayran nila nga ako, ang GINOO, mao ang ilang Dios.” Nianang pagkagabii mitungha ang mga langgam nga buntog nga milukop sa tibuok kampo ug sa pagkabuntag ang kampo nalukop sa yamog. Sa pagkauga sa yamog, nakakita sila ug mga butang nga nipis ug puti, sama

ka nipis sa yamog diha sa yuta. Wala sila masayod kon unsa kadto ug nagpangutan-anay sila, “Unsa man kini?”... Mana ang gikaon sa mga Israelita sulod sa 40 ka tuig hangtod nga miabot sila sa yuta sa Canaan....

—Exodo 16:12b-15a ug 35a

Nagpahunong Sa Baha

Samtang naglakaw sila sa namala nga yuta, ang mga pari nga nagyayong sa Sudlanan sa Kasabotan sa GINOO nagtingog sa malang yuta taliwala sa Jordan....

—Josue 3:17a

8 ANG DIOS DAKU KAAYO NGA MANLULUWAS

Unya gigapos sila nga nagsul-ob gihapon sa ilang mga bisti, sa ilang kalo ug gitambog sila ngadto sa nagdilaab nga hudno. Tungod kay gipatuman man gayod ang sugo sa hari ug nainit na man pag-ayo ang hudno, ang siga niini nakapatay sa mga tawo nga nagtambog kang Sadrac, kang Mesac ug kang Abednego. Unya ang mga tinugyanan, mga mayor, mga gobernador ug ang mga magtatambag sa hari nagtigom ug nakita nila nga ang kalayo wala makasunog sa mga

lawas niadtong mga tawhana....

—Daniel 3:21, 22 ug 27a

Busa gipakuha sa hari si Daniel ug gipatambog ngadto sa langub sa mga liyon. Giingnan niya si Daniel, “Hinaot unta nga luwason ka sa imong Dios nga imong giaglagaran sa kanunay!” Ug mitubag si Daniel, “Kamahalan, hatagan ka untag taas nga kinabuhi! Ang akong Dios nagpadala ug anghel aron pagtak-om sa baba sa mga liyon busa wala ako nila tukba kay wala man akoy daotang nahimo sa iyang atubangan ug kani-mo usab.” —Daniel 6:16 ug 21, 22

Ang akong pulong sama sa kalayo ug sa martilyo nga modugmok sa mga bato.

—Jeremias 23:29

Kay ang pulong sa Dios buhi ug maabtik ug mas hait pa kay sa bisan unsang espada nga duhay sulab. Modulot kini hangtod sa kinahiladman sa kalag ug sa espiritu hangtod sa dapit diin nag-abot ang lutahan ug ang kauyokan. Nag-usisa kini sa mga tinguha ug hunahuna sa kasingkasing sa tawo. —Hebreo 4:12

Ug ikalo ninyo ang kaluwasan ingon nga panalipod sa ulo ug

gamita ang pulong sa Dios nga gihatag kaninyo sa Espiritu ingon nga espada. —Efeso 6:17

Unsay buhaton sa usa ka bantan-on aron magmaputli ang iyang kinabuhi? Pinaagi sa pagtuman sa imong mga sugo. —Salmo 119:9

Nahinlo na kamo pinaagi sa mga pulong nga akong gisulti kaninyo. —Juan 15:3

Balaana sila diha sa kamatuoran; ang imong pulong kamatuoran. —Juan 17:17

Samtang gitanyag ninyo kanila ang mensahe nga naghatag sa kinabuhi.... —Filipos 2:16a

10 SI HESU-KRISTO DIOS NGA NAGPAKATAWO

Kay ang tibuok nga pagka-Dios anaa kang Cristo sa iyang pagkawatuhanon. —Colosas 2:9

“Ang usa ka putli nga batanong babaye magsabak unya manganak ug batang lalaki. Nganlan siyag Immanuel” (nga sa ato pa, “Ang Dios ania uban kanato”). Busa sa pagmata ni Jose gituman niya ang gisugo sa anghel ug gipangasawa niya si Maria. Apan wala niya hilabti si Maria hangtod nga siya nanganak. Unya ginganlan ni Jose ang bata ug Jesus. —Mateo 1:23-25

Busa si Jesus mitubag kanila, “Ang akong Amahan nagbuhat

hangtod karon busa ako nagbuhat usab.” Tungod niini misamot hinuon ang tinguha sa mga kadagkoan sa mga Judio sa pagpatay kaniya. Kini dili lamang tungod kay gilapas niya ang balaod sa Adlawng Igpapahulay kondili miingon pa gayod siya nga ang Dios iyang Amahan ug sa ingon niini gipakasama niya ang iyang kaugalingon sa Dios.

—Juan 5:17, 18

Ug sa iyang espirituhanong pagkabalaan gipadayag siya nga Anak sa Dios uban sa dakong gahom pinaagi sa iyang pagkabanhaw. —Roma 1:4

Ug gikan kang Jesu-Cristo....
“Ako ang Alfa ug ang Omega,”
nag-ingon ang Ginoong Dios
nga Labing Gamhanan, ang Dios
karon, kaniadto ug ang moanhi.

—Gipadayag 1:5a ug 8

...Sa iyang hinigugmang Anak
nga maoy naglukat kanato ug
nagpasaylo sa atong mga sala.
Si Cristo mao ang makita nga
dagway sa dili makita nga Dios.
Siya ang kamagulangang Anak
ug labaw sa tanang binuhat. Kay
pinaagi kaniya gibuhad sa Dios ang
tanang nga atua sa langit ug ania
sa yuta, makita ug dili makita—
mga gahom nga espirituhanon,

mga pamunoan, mga hari ug ang
tanang nga nagmando. Gibuhad sa
Dios ang tanang pinaagi kaniya ug
alang kaniya. —Colosas 1:13b-16

...Hangtod sa pagbalik sa atong
Ginoong Jesu-Cristo. Ipadayag
siya sa Dios sa tukmang pana-
hon. Siya ang Dios nga dalaygon
ug bugtong Magbubuhad, ang
Hari sa mga hari ug ang Ginoo
sa mga ginoo. Siya lamang ang
walay kamatayon ug nagpuyo
sa kahayag nga dili maduol.
Wala pa gayoy nakakita kaniya
ug wala gayoy makakita kaniya.
Ipahinungod kaniya ang dungog
ug walay kataposang gahom!
Amen. —1 Timoteo 6:14b-16

12 SI KRISTO LABAW SA NGATANAN UBAN SA DIOS

Naglarawan siya sa himaya sa Dios ug diha gayod kaniya ang kinaiya sa Dios. Siya maoy nagkupot sa tibuok uniberso pinaagi sa iyang gamhanang pulong. Tapos niya hugasi ang mga tawo sa ilang mga sala, milingkod siya sa tuo sa Dios didto sa langit.

—Hebreo 1:3

Giampo ko usab nga masayran ninyo ang kadako sa iyang gahom nga ania kanato nga nagtuo kaniya. Kining gahoma nga ania kanato mao ang iyang gigamit sa pagbanhaw ug pagpalingkod kang Cristo sa iyang tuo didto

sa langit. Didto naghari si Cristo labaw sa tanang mga hari ug sa mga anaa sa gahom ug sa mga namunoan ingon man sa mga pangulo. Labaw gayod siya sa tanan dili lamang niining panahona kondili sa umaabot usab. Gibutang sa Dios ang tanan ubos sa pagmando ni Cristo....

—Efeso 1:19-22a

“Ako ug ang Amahan usa ra.”

—Juan 10:30

“Ug iyang gihatagan ang Anak sa katungod sa paghukom kay siya mao man ang Anak sa Tawo.”

—Juan 5:27

ANG PAGKAMAKAGAGAHUM SA BALAAAN NGA ISPIRITU

13

Siya Makagagahum, Isip Dios

Adunay tulo ka saksi: ang Espiritu, ang tubig ug ang dugo ug nagkauyon kining tulo.

—1 Juan 5:7, 8

Si Pedro miingon kaniya, “Ananias, nganong nagpatintal ka man ni Satanas ug namakak sa Espiritu Santo pinaagi sa pagtipig ug bahin sa halin sa katigayonan? ...Karon, nganong namakak ka man? Dili ang mga tawo ang imong gibakakan kondili ang Dios!” Sa pagkadungog ni Ananias niini, natumba siya ug namatay. Ug ang tanan nga naka-

balita niini nangahadlok.

—Mga Buhat 5:3, 4b-5

Nagpuno sa mga magtutuo

Human sila mag-ampo, nauyog ang dapit nga ilang gitigoman. Ug silang tanan napuno sa Espiritu Santo ug sa walay kahadlok nagwali sa mensahe sa Dios.

—Mga Buhat 4:31

Nagpalihok Sa Diosnong Gugma

Dili gayod kita pakyason niining paglaoma kay gibubo man sa Dios ang iyang gugma sulod sa atong mga kasingkasing pinaagi sa Espiritu Santo nga gasa sa Dios kanato. —Roma 5:5

Ug busa makahimo siya, karon ug sa gihapon, sa pagluwas kanila nga moduol sa Dios pinaagi kaniya kay buhi man siya hangtod sa kahangtoran aron pagpangaliya sa Dios alang kanila.

—Hebreo 7:25

Ngadto kaniya nga may gahom sa pagpugong kaninyo aron dili kamo mapukan ug makatugyan kaninyo nga putli ug malipayon ngadto sa iyang mahimayaong atubangan.

—Judas 24

Ug ang Dios makahimo pagbubo sa tanang grasya nganha kaninyo aron kahatagan ug katag-

bawan ang tanan ninyong panginahanglan ug makahatag kamo nga madagayaon alang sa tanang maayong buhat. —2 Corinto 9:8

Ang Dios makahimo pagkuha niining mga bato aron himoong mga kaliwat ni Abraham!

—Lucas 3:8b

Si Abraham...Wala siya kawad-ig paglaom nga matuman gayod ang gisaad sa Dios kaniya kay ang iyang pagtuo naghatag man kaniyang gahom ug gidayeg niya ang Dios. Kay nasiguro niya nga ang Dios makahimo gayod sa pagtuman sa iyang gisaad.

—Roma 4:16c ug 20, 21

...Pinaagi sa gahom nga gigitmit niya sa pagmando sa tanan.

—Filipos 3:21b

Kon kabubut-on sa Dios, luwason kami niya gikan sa nagdilaab nga hudno ug sa imong gahom. Unya si Nabucodonosor mipaduol sa ganghaan sa nagdilaab nga hudno ug miingon, “Sadrac, Mesac ug Abednego, mga alagad sa Labing Gamhanang Dios, ngari kamo! Duol kanako!” ...Ug nakita nila nga ang kalayo wala makasunog sa mga lawas niadtong mga tawhana. Wala masunog ang ilang buhok ug ang ilang mga bisti ug

wala gani sila manimahong aso.

—Daniel 3:17 ug 26a, 27b

Ug tungod kay nag-antos man siya ug gitintal, makatabang usab siya kanila nga gitintal.

—Hebreo 2:18

Nagtuo...nga makahimo ang Dios sa pagbanhaw kang Isaac....

—Hebreo 11:19a

“Karon ako, si Nabucodonosor, nagdayeg ug nagpasidungog na sa Hari sa langit kay matarong ang tanan niyang buhat ug husto ang iyang mga paagi ug kadtong mga garboso iya gayong ipaubos.”

—Daniel 4:37

Nasayod ka nga sukad pa sa imong pagkabata nagbasa ka na sa Balaang Kasulatan. Kini maoy nakahatag kanimog kaalam ug naghatod kanimo ngadto sa kaluwasan pinaagi sa pagtuo kang Cristo Jesus. —2 Timoteo 3:15

Daygon ta ang Dios kansang gahom ania kanato ug maoy makahatag ug labaw pa kay sa atong pangayoon o hunahunanon; daygon ta siya diha sa simbahan ug diha kang Cristo Jesus ngadto sa tanang kaliwatan hangtod sa kahangtoran! Amen.
—Efeso 3:20, 21

“Ug karon itugyan ko kamo ngadto sa Dios ug sa mensahe sa iyang grasya. Makalig-on siya ug makahatag kaninyo sa mga panulondon nga gitagana alang sa tanang katawhan nga iyang gibalaan.” —Mga Buhat 20:32

Busa mangutana ako: Gisa-likway ba sa Dios ang iyang katawhan? Wala gayod! Ako mismo Israelita, kaliwat ni Abraham ug sakop sa banay ni Benjamin. ...Ug kon motuo na usab ang mga Judio, isumpay sila pagbalik kay makahimo man ang Dios niini.
—Roma 11:1 ug 23

ANG GAHUM NI KRISTO SA PAGRASAYLO SA SALA 17

Ug kon ang katawhan nga akong tinawag modangop kana-ko sa dakong pagpaubos ug mobiya sa ilang sala, patalinghogan ko gayod sila ug pasayloon sa ilang mga sala ug ibalik ko ang kadagaya sa ilang nasod.

—2 Cronicas 7:14

“Hain may mas sayon: ang pag-ingon ba ngadto sa paralitiko, ‘Ang imong mga sala gipasaylo na,’ o ang pag-ingon, ‘Bangon, dad-a ang imong gihigdaan ug lakaw’? “Karon, ipaila ko kaninyo nga ang Anak sa Tawo adunay gahom dinhi sa yuta sa pagpasaylog sala.”

Busa miingon siya sa paralitiko, “Bangon, dad-a ang imong gihigdaan ug pauli sa inyo!” Samtang nagtan-aw silang tanan, mibangon ang paralitiko, gipunit niya ang iyang gihigdaan ug midali paglakaw. Tungod niini hilabihan ang katingala sa mga tawo ug gidayeg nila ang Dios. Sila miingon, “Sukad masukad karon pa kita makakitag hitabo nga sama niini!”

—Marcos 2:9-12

“Bisan kinsay magsultig daotan batok sa Anak sa Tawo pasayloon. Apan ang magsultig daotan batok sa Espiritu Santo dili gayod pasayloon.”

—Lucas 12:10

18 ANG GAHUM NI KRISTO SA PAG-ASA KALAG

Kay bisan kinsa nga nahiusa kang Cristo, bag-o na siyang binuhat. Ang daan miagi na ug ang bag-o miabot na. —2 Corinto 5:17

“Ug ang tanan nga buhi ug nagtuo kanako dili gayod mamatay. Mituo ka ba niini?” —Juan 11:26

Kay nahingpit man siya, nahimo siyang tinubdan sa dayon nga kaluwasan alang sa tanan nga masinugtanon kaniya. —Hebreo 5:9

Busa ingon nga naghari ang sala pinaagi sa kamatayon, maghari usab ang grasya sa Dios pinaagi sa pagkamatarong nga magdala kanato ngadto sa kina-

buhing walay kataposan pinaagi kang Jesu-Cristo nga atong Ginoo. —Roma 5:21

Apan karon gipakita na kanato pinaagi sa pag-abot sa atong Manluluwas nga si Cristo Jesus. Gibuntog niya ang gahom sa kamatayon ug pinaagi sa Maayong Balita gipadayag niya ang kinabuhing walay kataposan.

—2 Timoteo 1:10

Apan ang kawatan moanhi aron lamang pagpangawat, pagpatay ug paglaglag. Mianhi ako aron makabaton kamo ug kinabuhing madagayaon. —Juan 10:10

ANG GAHUM NI KRISTO SA PAG-AYO SA LAWAS 19

...Diha kang Jesus ang gahom sa Ginoo sa pag-ayo sa mga masakiton. —Lucas 5:17b

Dihay usa ka babaye nga 12 na ka tuig nga nag-antos sa pagsigi ug dugo. Nagasto na niya ang tanan niyang katigayonan sa pagpatambal apan wala gayod siya maayo. Unya miduol siya sa luyo ni Jesus, mihikap sa sidsid sa iyang kupo ug dihadiha mi-hunong ang iyang pagdugo.

—Lucas 8:43, 44

Bisan asa si Jesus moadto, sa kabalangayan ba, sa kalungso-ran o sa kaumahan, adto gayod sa merkado dad-on sa mga tawo

ang ilang mga masakiton. Nag-pakiluoy sila nga ang ilang masakiton pahikapon bisan lamang sa sidsid sa iyang bisti. Ug nangaayo ang tanan nga nakahikap kaniya. —Marcos 6:56

Sa pagsalop na sa adlaw, gidala sa mga tawo ngadto kang Jesus ang daghang mga giyawaan. Gipagula ni Jesus ang daotang mga espiritu pinaagi lamang sa pulong ug giayo niya ang tanang masakiton. Gihimo niya kini aron matuman ang giingon ni propeta Isaias, “Siya gayod maoy nag-ayo sa atong mga balatian ug mga sakit.” —Mateo 8:16, 17

20 GAHUM SA PAG-AYO SA NAGKALAIN-LAING SAKIT

Iyang gihikap ang babaye ug dihadiha nakatuyhad ang babaye ug gidayeg niya ang Dios.

—Lucas 13:13

Unya miadto si Jesus sa balay ni Pedro ug didto nakita niya ang naghigdang ugangan babaye ni Pedro nga gihilantan. Gihikap niya ang kamot sa masakiton ug gihuwasan kini sa hilanat, mibangon ug misilbi kaniya.

—Mateo 8:14, 15

Ug usa kanila mitigbas sa ulipon sa Pangulong Pari ug napatol ang iyang tuong dalung-

gan. Apan si Jesus mitubag, “Husto na!” Ug gihikap ni Jesus ang dalunggan sa ulipon ug giayo siya. —Lucas 22:50, 51

Gihikap siya ni Jesus ug giingnan, “Gusto ko. Mamaayo ka!” Ug dihadiha naayo siya.

—Mateo 8:3

Niadto gayong higayona nagayo si Jesus sa daghang mga tawo sa ilang mga balatian ug mga sakit. Nag-ayo usab siya sa mga giyawaan ug naghatag ug panan-aw sa mga buta.

—Lucas 7:21

GAHUM SA PAG-AYO SA NAGKALAIN-LAING SAKIT 21

Sa nakasulod na si Jesus sa balay, miduol kaniya ang duha ka buta ug nangutana siya kanila, “Nagtuo ba kamo nga makaayo ako kaninyo?” Sila mitubag, “Oo, Sir.” Unya gihikap ni Jesus ang ilang mga mata ug miingon, “Mamaayo kamo sumala sa inyong pagtuo!” Ug nakakita sila.

—Mateo 9:28-30a

Sa pagsulod ni Jesus sa Capernaum, gitagbo siya sa usa ka kapitan sa kasundalohang Romanhon nga nagpakiluoy: “Sir, ang akong sulugoon atua sa akong balay naghigda, dili makalihok ug nag-antos pag-ayo.” Ug mi-

ingon si Jesus sa opisyal, “Pauli sa inyo ug mahitabo ang imong gituohan.” Ug ang sulugoon sa opisyal naayo niadtong taknaa.

—Mateo 8:5-6 ug 13

Ug didtoy tawo nga nasakit sulod na sa 38 ka tuig.... Si Jesus miingon kaniya, “Tindog, dad-a ang imong gihigdaan ug lakaw.” Ug dihadiha naayo siya ug gidala niya ang iyang gihigdaan ug milakaw.

—Juan 5:5 ug 8, 9a

Unya giingnan niya ang tawo, “Ituy-od ang imong kamot.” Ug gituy-od sa tawo ang iyang kamot ug naayo kini. —Mateo 12:13

22 WAY GRABENG SAKIT NGA DILI MAAYO NI HESUS

Unya gilipot ni Jesus ang ti-buok Galilea ug nagtudlo siya sulod sa ilang mga sinagoga, nagwali sa Maayong Balita bahin sa paghari sa Dios ug nag-ayo sa mga masakiton. —Mateo 4:23

Kon adunay nagmasakiton ka-ninyo, ipatawag ang mga pangu-lo sa simbahan.... Ang maong pag-ampo nga inubanan sa pag-tuo makaayo sa masakiton; ang Ginoo mopahiuli kaniya sa maa-yong panglawas....

—Santiago 5:14a, 15a

Nangadto sila kang Jesus aron pagpamati kaniya ug aron ayohon sila sa ilang mga balatian.

Nangadto usab ang gipangya-waan ug nangaayo sila. Nanginguha ang tanang tawo sa paghikap kang Jesus kay gikan kaniya migula ang gahom nga nag-ayo kanilang tanan. —Lucas 6:18-19

Ug may dagkong panon sa mga tawo nga miduol kaniya nga nagdalag mga bakol, pilay, buta, amang ug uban pang mga masakiton. Gipahimutang nila ang mga masakiton sa tiilan ni Jesus. Ug giayo niya sila.—Mateo 15:30

Misunod kaniya ang daghang mga tawo ug didto iyang giayo ang mga masakiton. —Mateo 19:2

ANG GAHUM NI KRISTO SA PAG-PAGULA SA MGA YAWA 23

Ug gihinginlan ni Jesus ang yawa ug migula kini gikan sa bata ug naayo siya dihadia.

—Mateo 17:18

Gikan sa daghang mga tawo, nanggula usab ang mga yawa nga nagsiyagit, “Ikaw mao ang Anak sa Dios!” —Lucas 4:41a

Unya miabot si Jesus sa yuta sa Gadara didto sa tabok sa lanaw ug gitagbo siyag duha ka tawo nga nanggula gikan sa mga langub nga gihimong lubnganan. Giyawaan kining mga tawhana ug bangis kaayo busa walay nangahas pag-agi niadtong dalana. Ug misinggit sila, “Anak sa Dios,

unsa may imong tuyo kanamo? Mianhi ka ba aron pagsakit kanamo bisag dili pa panahon?” Dili layo didto, may usa ka panon sa mga baboy nga nanibsib. Miha-nyo ang mga yawa kang Jesus, “Kon abugon mo kami pasudla kami nianang panon sa mga baboy.” “Sigi, panulod kamo,” mii-nyon si Jesus. —Mateo 8:28-32a

Unya may pipila ka tawo nga midala ngadto kang Jesus ug usa ka tawong giyawaan nga maoy hinungdan sa iyang pagkabuta ug pagkaamang. Giayo ni Jesus ang tawo busa nakasulti na siya ug nakakita. —Mateo 12:22

ANG GAHUM NI KRISTO SA PAG-BANHAW SA MINATAY

Unya miduol si Jesus ug gi-hikap niya ang lungon ug mi-hunong ang mga tawo nga nag-yayong sa lungon. Unya miingon si Jesus, “Dong, bangon!” Mibangon ang batan-on nga patay na unta ug misulti. Ug gitugyan siya ni Jesus ngadto sa iyang inahan.

—Lucas 7:14, 15

Si Jesus miingon kaniya, “Mabanhaw ang imong igsoon.” Siya mitubag, “Nahibalo ako nga mabanhaw siya sa kataposang adlaw.” Ug si Jesus miingon kaniya, “Ako mao ang pagkabanhaw ug ang kinabuhi. Ang nagtuo

kanako, bisan tuod mamatay, mabuhi.... Ug human niya isulti kini, misinggit siya, “Lazaro, gula ngari!” Ug migula ang namatay.

—Juan 11:23-25 ug 43, 44a

Samtang nagsulti si Jesus niini, miabot ang usa ka tawo gikan sa balay sa opisyal. Iyang giingnan si Jairo, “Patay na ang imong anak, busa ayaw nag samoka ang Magtutudlo.”... Apan gigunitan ni Jesus ang kamot sa bata ug miingon siya, “Inday, bangon!” Ug nabuhi ang bata ug mibangon dayon....

—Lucas 8:49 ug 54, 55a

ANG SAAD SA DIOS SA PAG-KABANHAW 25

Sultihan ko kamo: hapit na moabot ang panahon ug gani mi-abot na nga ang mga patay makabati sa tingog sa Anak sa Dios ug mabuhi ang mamati niini.

—Juan 5:25

Ayaw kamo kahibulong kay moabot ang panahon nga ang tanang mga patay makadungog sa iyang tingog ug manggula sila sa ilang lubong.... —Juan 5:28, 29a

Kay nasayod kami nga ang Dios nga nagbanhaw sa Ginoong Jesus magbanhaw usab kanamo uban kang Jesus, ug iya kaming

dad-on uban kaninyo ngadto sa iyang atubangan.

—2 Corinto 4:14

Sama kanila naglaom ako sa Dios nga iyang banhawon ang tanang mga patay, maayo ug daotan. —Mga Buhat 24:15

Unya mabati ang singgit sa pagmando ug ang tingog sa arkanghel ingon man ang lanog sa trumpeta sa Dios ug mokunsad ang Ginoo gikan sa langit. Maoy unang mabanhaw kadtong nangamatay nga nagtuo kang Cristo. —1 Tesalonica 4:16

26 ANG WALAY UTLANAN NGA GAHUM NI KRISTO

Miduol si Jesus ug miingon kanila, “Gihatag kanako ang tanang gahom sa langit ug sa yuta.” —Mateo 28:18

Sukad nabuhat sa Dios ang kalibotan tin-aw kaayo nga nakita diha sa mga butang nga gibuhat sa Dios ang iyang dili makita nga mga kinaiya nga mao ang iyang gahom nga walay kataposan ug ang iyang pagkadios. Busa wala na silay ikapangatarongan.

—Roma 1:20

“Kini ang mensahe nga giingon sa balaan ug matuod, ang nagkupot sa yawi ni David. Walay makasira sa iyang ablihan ug

walay makaabli sa iyang siradan.” —Gipadayag 3:7b

Siya ang miadto sa langit ug atua na sa tuo sa Dios, nagmando sa mga anghel ug sa mga langitnong gahom. —1 Pedro 3:22

Ang iyang diosnong gahom naghatag kanato sa tanan tang gikinahanglan alang sa pagkinabuhi nga diosnon pinaagi sa atong kahibalo mahitungod kaniya nga nagtawag kanato aron makaambit kita sa iyang himaya ug kaayo. —2 Pedro 1:3

Siya nga gikan sa langit labaw sa tanan.... —Juan 3:31a

ANG WALAY UTLANAN NGA GAHUM NI KRISTO 27

Nasayran Niya Ang Tanan

Wala kinahanglana nga sulti-han pa siya ni bisan kinsa mahitungod sa mga tawo tungod kay siya mismo nasayod man kon unsa ang anaa sa ilang kasingkasing. —Juan 2:25

Sumala sa Maayong Balita nga akong giwali, mao kini ang mahitabo unya niadtong Adlaw, nga ang Dios pinaagi kang Jesu-Cristo, maghukom sa tinagong mga hunahuna sa mga tawo. —Roma 2:16

Nagpakaon Sa Lima Ka Libo

Sila mitubag, “Lima ra ka pan ug duha ka isda ang ania diri.”

Si Jesus miingon, “Dad-a ngari.” Unya iyang gipalingkod sa mga sagbot ang mga tawo ug gikuha niya ang lima ka pan ug ang duha ka isda. Unya mihangad siya sa langit ug nagpasalamat sa Dios. Gipikaspikas niya ang mga pan ug gihatag ngadto sa mga tinunan nga mao usab ang nanghatag niini ngadto sa mga tawo. Nangaon ang tanan ug nangabusog. Unya ghipos sa mga tinunan ang mga sobra nga nakapuno ug napulog-duha ka bukag. Lima ka libo ang gidaghanon sa mga tawo nga nangaon, walay labot sa mga babaye ug sa mga bata.

—Mateo 14:17-21

28 ANG WALAY UTLANAN NGA GAHUM NI KRISTO

Milakaw Sa Ibabaw Sa Tubig

Nianang pagkakaadlawon, si Jesus miapas kanila nga naglakaw ibabaw sa tubig.

—Mateo 14:25

Nagpahunong Sa Ulan

May gahom sila sa pagtak-op sa langit aron dili moulan samtang magsangyaw sila sa mensahe sa Dios. May gahom usab sila sa paghimong dugo sa mga tubod sa tubig ug sa pagpahamtang sa tanang matang sa katalagman bisan unsang panahona nga gusto nila.

—Gipadayag 11:6

Nagpakalma Sa Unos Ug Sa Dagat

Si Jesus mitubag, “Nganong nangahadlok man mo kaayo? Pagkagamay sa inyong pagsalig!” Unya mibangon siya ug gibadlong niya ang hangin ug ang mga balod ug mibanos ang kalinaw.

—Mateo 8:26

Nagkupot Sa Kalibutan

...Gibuhat sa Dios ang tanan pinaagi kaniya ug alang kaniya. Diha na siya sa wala pa buhata ang tanang butang ug diha kaniya ang tanan nahugpong.

—Colosas 1:16b, 17

ANG WALAY UTLANAN NGA GAHUM NI KRISTO 29

Kay nasayod kita nga si Cristo gibanhaw ug dili na gayod siya mamatay pag-usab ug ang kamatayon wala nay gahom ibabaw kaniya. —Roma 6:9

“Ako ang buhi! Namatay ako apan tan-awa, buhi ako ug dili na gayod mamatay....”
—Gipadayag 1:18a

Dayga ang Dios, O tibuok kalibotan, pinaagi sa singgit sa kalipay! Awita ninyo ang himaya sa iyang ngalan; halari siyag mahimayaong pagdayeg! Sultihi ninyo ang Dios, “Pagkakahibulongan sa imong mga buhat! Gamhanan

ka kaayo busa ang imong mga kaaway mahadlokong nagyukbo kanimo. Ang tibuok kalibotan nagsimba kanimo; nag-awit silag pagdayeg alang kanimo, nag-awit silag pagdayeg alang sa imong ngalan.” —Salmo 66:1-4

Gahum Sa Iyang Ginghamarian

Kay ang Ginghamarian sa Dios dili pulos mga pulong lamang kondili gahom. —1 Corinto 4:20

“Ug makig-away sila sa Nating Karnero. Apan buntogon sila niya ...kay siya Ginoo man sa mga ginoo ug Hari sa mga hari.”
—Gipadayag 17:14

30 ANG WALAY UTLANAN NGA GAHUM NI KRISTO

Gahum Ibabaw Sa Tanang Linalang

Kay gihatagan mo siyag katungod ibabaw sa tanang tawo aron hatagan niyag kinabuhing dayon ang tanan nga imong gitugyan kaniya. —Juan 17:2

Nagbanhaw Sa Iyang Kaugalingong Kinabuhi

“Ang Amahan nahigugma kanako kay ako andam man pagtugyan sa akong kinabuhi aron madawat ko kini pagbalik. Walay makahimo pagpatay kanako. Ang akong kinabuhi ihatag ko sa

kaugalingon kong pagbuot. Mahimo ko ang paghalad sa akong kinabuhi ug mahimo ko usab ang pagbawi niini. Mao kini ang gisugo kanako sa akong Amahan.”

—Juan 10:17, 18

Mobalik Sa Gahum Ug Himaya

Si Jesus mitubag kaniya, “Gisulti nimo. Apan sultihan ko kamong tanan: sukad karon makिता ninyo ang Anak sa Tawo nga naglingkod sa tuo sa Labing Makagagahom sa tanan ug moanhi sinapnay sa mga panganod sa langit!” —Mateo 26:64

ANG WALAY UTLANAN NGA GAHUM NI KRISTO 31

Makapasaylo Sa Sala

Karon ipakita ko kaninyo nga ang Anak sa Tawo may gahom dinhi sa yuta sa pagpasaylo sa mga sala. Busa miingon siya sa paralitiko, “Bangon, dad-a ang imong gihigdaan ug pauli sa inyo!” —Mateo 9:6

Makalimpiyo Sa Kalag

...Gihimong balaang katawhan pinaagi sa iyang Espiritu aron magmasinugtanon kamo kang Jesu-Cristo ug mahinloan sa iyang dugo.... —1 Pedro 1:2b

Makahatag Ug Kinabuhing Walay Katapusan

“Ang akong mga karnero mama-

ti sa akong tingog. Nakaila ako kanila ug sila nagsunod kanako. Naghatag ako kanila sa kinabuhing dayon ug dili na gayod sila mangamatay.” —Juan 10:27, 28a

Makaluwas Kang Bisan Kinsa

Kinahanglan nga isangyaw pinaagi sa iyang ngalan ang mensahe mahitungod sa paghinulsol ug sa pagpasaylo sa mga sala ngadto sa tanang mga nasod, sugod sa Jerusalem. —Lucas 24:47

Makahimo Kanimong Madaugon

Ug luwason ako sa Ginoo gikan sa tanang kadaotan ug dad-on ngadto sa iyang langitnong Ginghamarian. —2 Timoteo 4:18a

Tungod niini gituboy siya sa Dios ngadto sa kinatas-ang dapit sa kalangitan ug gihatagan siyag ngalan nga labaw sa tanang ngalan. Busa mangluhod ang tanang binuhat nga atua sa langit, sa ibabaw sa yuta...sa ngalan ni Jesus. —Filipos 2:9, 10

Apan gisulat kini aron kamo motuo nga si Jesus mao ang Mesiyas, ang Anak sa Dios, ug pinaagi sa maong pagtuo makabaton kamo ug kinabuhi diha sa iyang ngalan. —Juan 20:31

...“Magtutudlo, nakakita kamig tawo nga naghingilin ug mga yawa sa imong ngalan ug gibad-

long namo siya kay dili man siya kauban nato.” Si Jesus mitubag, “Ayaw ninyo siya pagdid-i kay walay tawo nga maghimog mi-lagro sa akong ngalan nga makasultig daotan mahitungod kanako.” —Marcos 9:38b, 39

Apan miingon si Pedro, “Wala akoy salapi o bulawan apan ihatag ko kanimo ang ania kanako: sa ngalan ni Jesu-Cristo nga Nazaretnon, tindog ug lakaw!” Unya gigunitan ni Pedro ang tuong kamot sa bakol ug gitabangan siya pagpatindog. Dihadiha nalig-on ang mga tiil ug lutahan sa bakol. —Mga Buhat 3:6, 7

ANG GAHUM SA HAMILING DUGO NI KRISTO 33

Kay gilukat kita pinaagi sa dugo ni Cristo, sa ato pa, napasaylo na ang atong mga sala. Pagkadako gayod sa grasya sa Dios.

—Efesos 1:7

Gibuntog sa atong mga kaigsoonan ang Yawa pinaagi sa dugo sa Nating Karnero ug sa kamatuoran nga gisangyaw nila....

—Gipadayag 12:11a

Karon, ang Dios sa kalinaw nga nagbanhaw sa atong Ginoong Jesus, ang Gamhanang Magbala-ntay sa mga karnero, pinaagi sa dugo sa walay kataposang kasabotan, maghatag unta kaninyo sa tanang kaayohan aron matuman

ninyo ang iyang kabubut-on. Himoon unta sa Dios dinhi kanato pinaagi kang Jesu-Cristo ang makapahimuot kaniya. Himayaon unta si Cristo hangtod sa kahangtoran! Amen. —Hebreo 13:20, 21

“Mao kini sila ang nakalahutay sa dakong paglutos. Gilabhan nila ang ilang mga bisti ug gipaputi nila kini sa dugo sa Nating Karnero.” —Gipadayag 7:14b

Apan kon magpuyo kita sa kahayag, ingon nga ang Dios anaa sa kahayag, magkahiusa kita ug ang dugo ni Jesus nga iyang Anak maghugas sa tanan natong kasal-anan. —1 Juan 1:7

34 DAY'GA ANG DIOS TUNGOD SA IYANG GAHUM

Awiti ninyog pagdayeg ang Ginoo nga nagpuyo sa Sion! Ug suginli ang katawhan sa nabuhat niya!
—Salmo 9:11

Ug nag-awit sila sa makusog: “Ang Nating Karnero nga gipatay takos sa pagdawat sa gahom, sa bahandi, sa kaalam ug sa kusog, sa dungog, sa himaya ug sa pagdayeg!”
—Gipadayag 5:12

Apan kamo mao ang piniling katawhan, ang mga harianong pari ug ang balaang nasod. Gipili kamo sa Dios aron maiya ug aron magsangyaw sa mga kahibulongang buhat sa Dios.

Gitawag kamo niya gikan sa kangitngit ngadto sa iyang katingalahang kahayag. —1 Pedro 2:9

Daygon ka unta sa katawhan, O Dios, daygon ka unta sa tanang katawhan! Mihatag ang yuta sa iyang abot; gipanalanginan kita sa Dios, nga atong Dios. Gipanalanginan kita sa Dios; pasidunggan unta siya sa tanang katawhan sa tanang dapit.
—Salmo 67:5-7

“Dayga siya, kamong mga may kahadlok sa Ginoo! Pasidunggi siya.”
—Salmo 22:23a

UNSAY AKONG BUHATON ARONG MAKA-ANGKON 35 UG KINABUHING WAY KATAPUSAN?

“Magtutudlo, unsa may maayo nakong buhaton aron maangkong nako ang kinabuhing dayon?” Si Jesus mitubag, “...Tumana ang mga sugo kon buot ka mosulod sa kinabuhi.” Siya nangutana, “Unsang mga sugoa?” Si Jesus mitubag, “Ayaw pagpatay; ayaw panapaw; ayaw pangawat; ayaw pamakak; tahora ang imong amahan ug inahan; ug higugmaa ang imong isigkatawo sama sa imong kaugalingon.” Ang batanon mitubag, “Gituman ko kining tanan. Unsa pa may kinahanglan kong buhaton?” Ug miingon si

Jesus kaniya, “Kon gusto kang mahingpit, lakaw ug ibaligya ang tanan mong katigayonan. Ihatag ang halin ngadto sa mga kabos ug makabaton kag mga bahandi didto sa langit. Unya balik nganhi ug sunod kanako.”

—Mateo 19:16b, 17a ug 17c-21

Paghinulsol, Tumuo Ka, Dawata

...Miadto si Jesus...Miingon siya, “Miabot na gayod ang panahon nga maghari na ang Dios! Busa hinulsoli ug biyai ang inyong mga sala ug tuhi ninyo ang Maayong Balita!”

—Marcos 1:14b, 15

36 SI KRISTO MAO ANG DALAN ANG KAMATUORAN, ANG KINABUHI

Ang Balaod gihatag sa Dios pinaagi kang Moises apan ang grasya ug ang kamatuoran miabot pinaagi kang Jesu-Cristo.

—Juan 1:17

Si Jesus mitubag, “Ako ang dalan, ang kamatuoran ug ang kinabuhi. Walay makaadto sa Amahan kon dili moagi kanako.”

—Juan 14:6

“Sa inyong pagpangita sa dalan sa kinabuhi, sulod kamo sa sigpit nga ganghaan kay ang lapad nga ganghaan ug ang sayon nga dalan paingon man sa kagalagan. Mao kini ang gisubay

sa kadaghanan. Apan masigpit ang ganghaan ug malisod ang dalan paingon sa kinabuhing dayon ug diyutay ra ang nakakaplag niini.”

—Mateo 7:13, 14

Karon, kinsa man ang bakakon? Ang bakakon mao kadtong nag-ingon nga si Jesus dili mao ang Cristo. Siya ang Kaaway ni Cristo kay gisalikway man niya ang Amahan ug ang Anak.

—1 Juan 2:22

Ako mao ang pan nga gikan sa langit nga naghatag sa kinabuhi. Ang mokaon niini nga pan dili gayod mamatay.

—Juan 6:51a

SI KRISTO, MAO LAMANG ANG MAY GAHUM ALANG SA KALUWASAN

37

Kay wala mosulod si Cristo sa balaang dapit nga hinimo sa mga tawo nga kopya lamang sa matuod nga balaang dapit apan misulod siya sa langit diin nangatubang siya karon sa Dios alang ug tungod kanato. Ang Pangu-long Pari sa mga Judio mosulod ngadto sa Labing Balaang Dapit matag tuig dala ang dugo sa usa ka mananap. Apan wala mosulod si Cristo aron paghalad sa iyang kaugalingon sa makadaghan kay sa ingon mag-antos unta siya sa makadaghan sukad pa sa pagbuhat sa kalibotan. Karon nga

naghinapos na ang tanang panahon, nagpakita siya sa makausa ug alang sa tanang panahon aron pagwagtang sa sala pinaagi sa paghalad sa iyang kaugalingon. Ang tanan kinahanglan mamatay sa makausa ug tapos niana hukman siya sa Dios.

—Hebreo 9:24-27

“Ang kaluwasan makaplagn lamang diha kaniya kay dinhi sa kalibotan wala nay laing ngalan nga gihatag sa Dios ngadto sa katawhan nga maoy makaluwas kanato.” —Mga Buhat 4:12

ANG GAHUM SA DIOS SA PAGLUWAS SA TIBUOK KABUHATAN

Tinuod angay dawaton ug tuo-
han sa hingpit ang giingon nga
mianhi si Cristo Jesus sa kali-
botan aron sa pagluwas sa mga
makasasala ug ako ang labing
daotan kanila. —1 Timoteo 1:15

Dili ko ikaulaw ang Maayong
Balita kay kini mao ang gahom
sa Dios aron pagluwas sa tanan
nga motuo. —Roma 1:16a

“Apan ang moinom sa tubig
nga akong ihatag kaniya dili na
gayod uhawon. Kay ang tubig
nga akong ihatag mahimo diha
kaniya nga usa ka tuboran nga

mohatag ug buhing tubig ug
kinabuhing walay kataposan.”

—Juan 4:14

Apan pinaagi sa grasya nga
gigasa sa Dios ngadto kanila,
mahimo silang matarong pinaagi
kang Cristo Jesus nga nagluwas
kanila. Gihatag siya sa Dios aron
pinaagi sa iyang dugo mapasaylo
ang mga sala sa motuo kaniya.

—Roma 3:24, 25a

Pamati kamo! Gihatagan ko ka-
mog gahom...sa tanang gahom
[batok] sa Yawa.... —Lucas 10:19

*Gihatag Sa Dios Ang
Labing Mahal!*

Kay gihigugma pag-ayo sa Dios ang kalibotan ug tungod niini gihatag niya ang iyang bugtong Anak, aron ang tanan nga motuo kaniya dili malaglag kondili makabaton hinuon sa kinabuhing dayon. —Juan 3:16

*O, Ang Grasya Nga Nagdala Ug
Kaluwasan Ngadto Sa Tawo.
Ang Ginoo Sa Tanang Binuhat
Nagpakamatay Alang Sa Tanan!*

Unya miingon si Jesus, “Amahan, pasayloa sila kay wala sila mahibalo sa ilang gibuhat.” Unya

sa kusog nga tingog misinggit si Jesus, “Amahan, itugyan ko sa imong mga kamot ang akong espiritu!” Human siya makasulti niini, namatay siya.

—Lucas 23:34a ug 46

*Libre Alang Kanato,
Dawaton Lamang*

Ang Espiritu ug ang Panga-saw-onon miingon, “Dali ngari!” Ug ang tanang nakadungog paingna usab, “Dali ngari!” Duol kamong giuhaw ug kadtong may gusto, inom sa walay bayad nga tubig nga naghatag sa kinabuhi.

—Gipadayag 22:17

40 IHATAG NA KARON ANG IMONG KAUGALINGON NGADTO KANG GINOONG HESU-KRISTO

*Isugid Kaniya Ang Imong Mga
Sala Unya Paghinulsol*

Apan kon isugid nato sa Dios ang atong mga sala, siya nga matarong ug matinumanon sa iyang saad mopasaylo gayod sa tanan natong mga sala ug maghinlo sa tanan natong mga kalapasan. —1 Juan 1:9

Busa paghinulsol kamo ug balik sa Dios aron papason niya ang inyong mga sala....

—Mga Buhat 3:19a

Tumuo Ka Sa Anak Sa Dios
Ang motuo sa Anak may kina-

buhing dayon. Apan ang dili motuo sa Anak dili makabaton sa kinabuhing dayon. Magpabilin hinuon kaniya ang kapungot sa Dios hangtod sa kahangtoran.

—Juan 3:36

Nasayran ninyo nga kon matinumanon kamo nga magpaulipon ni bisan kinsa, ulipon kamo niya. Kon nagpaulipon kamo sa sala, ulipon kamo sa sala ug moresulta kini sa kamatayon. Kon magmatinumanon kamo sa Dios, moresulta kini sa inyong pagkamatarong. —Roma 6:16

ANG GAHUM SA DIOS DIHA SA TINUOD NGA MAGTUTUO

41

Gugma Imbis Kahadlok

Kay ang Espiritu nga gihatag sa Dios kanato wala maghimo kanatong talawan kondili naghatag kanatog gahom ug gugma ug pagpugong sa kaugalingon.

—2 Timoteo 1:7

Gugma Imbis Kasilag

Kon may moingon, “Gihigugma ko ang Dios,” apan nagdumot diay sa iyang isigkatawo, bakakon siya. Kay unsaon man niya paghigugma sa Dios nga wala niya makita kon wala siya maghigugma sa iyang isigkatawo nga makita niya? Ang gisugo ni Cristo kanato mao kini:

ang nahigugma sa Dios kinahanglan maghigugma usab sa iyang isigkatawo. —1 Juan 4:20, 21

Apan ang Espiritu naghatag sa gugma.... —Galacia 5:22a

Pagtuong Imbis Pagduhaduha

Busa, kinsay makapahimulag kanato gikan sa gugma ni Cristo? Ang kasakit ba, ang kalisdanan, ang mga paglutos, ang gutom, ang kakabos, ang katalagman, o ang kamatayon? Dili! Hinuon, taliwala niining tanan, may hingpit kitang kadaogan pinaagi kaniya nga nahigugma kanato!

—Roma 8:35 ug 37

ANG GAHUM SA DIOS DIHA SA TINUOD NGA MAGTUTUO

Pagpangga, Dili Ka Maginusara

Ayaw higugmaa ang salapi. Kinahanglang makuntento kamo sa unsay anaa kaninyo kay nag-ingon ang Dios, “Dili ko gayod kamo biyaan o talikdan.”

—Hebreo 13:5

Kalinaw Imbis Kasakit

“Ang kalinaw ibilin ko kaninyo. Ang akong kalinaw nga dili sama sa ikahatag sa kalibotan ihatag ko kaninyo. Ayaw kamog kabalaka ug ayaw kahadlok.”

—Juan 14:27

Kay gihimo na man kitang matarong sa Dios pinaagi sa pagtuo, may panagdait na kita uban sa Dios pinaagi sa atong Ginoong Jesu-Cristo. —Roma 5:1

Matuod Nga Bahandi, Way Kahakog

Pamati kamo, minahal kong mga igsoon. Ang Dios nagpili sa mga kabos niining kalibotana aron mahimong dato sa pagtuo ug aron makapanag-iya sa Ginharian nga iyang gisaad sa tanan nga nahigugma kaniya.

—Santiago 2:5

ANG GAHUM SA DIOS DIHA SA TINUOD NGA MAGTUTUO

43

Kasiguruan

Gisulatan ko kamong tanan nga nagtuo sa ngalan sa Anak sa Dios aron masayod nga kamo may kinabuhing walay kataposan. —1 Juan 5:13

Kaputli Imbis Kahugawan

Karon nga nahinlo na kamo pinaagi sa inyong pagsunod sa kamatuoran ug may matinud-anon nang gugma alang sa inyong isigkamagtutuo, paghigugmaay kamo sa kinasingkasing gayod. —1 Pedro 1:22

Ang tuyo niining maong pa-

himangno mao nga magbaton kamog gugma gikan sa usa ka putli nga kasingkasing, limpyo nga konsensya ug tinuod nga pagtuo. —1 Timoteo 1:5

Langitnong Kalipay

Imbis Kagul-anan

Ang Dios nga tinubdan sa paglaom magpuno unta kaninyo sa tanang kalipay ug pakigdait pinaagi sa inyong pagtuo kaniya. —Roma 15:13a

“Gisultihan ko kamo niini aron mabatonan ninyo ang akong kalipay ug mahingpit ang inyong kalipay.” —Juan 15:11

ANG GAHUM SA DIOS DIHA SA TINUOD NGA MAGTUTUO

Kusog Imbis Kahuyang

Sa kataposan, lig-ona ang inyong kaugalingon diha sa pagpakighiusa sa Ginoo pinaagi sa iyang dakong gahom.

—Efeso 6:10

Paglaum Imbis Pagduhaduha

Mao kini ang duha ka butang nga dili mausab ug ang Dios dili mamakak. Busa kita nga nakabaton ug kasigurohan uban kaniya nadasig pag-ayo sa pagpabilin nga malig-on diha sa paglaom nga gitanyag kanato. Gihuptan nato kining paglaoma ingon nga angkla sa atong mga kinabuhi.

Siguro kini ug kasaligan. Milahos kini sa tabil sa langitnong templo sa kinasulorang alampoonan.

—Hebreo 6:18, 19

Kamatuoran Imbis Pagbakak

Pagbinuotan kamo sa inyong pagkinabuhi tipon sa mga dili magtutuo aron kon kamo daoton nila, makita nila ang inyong mga maayong buhat ug magdayeg sila sa Dios sa Adlaw sa iyang pagbalik.

—1 Pedro 2:12

“Mahibalo kamo sa kamatuoran ug ang kamatuoran maghatag kaninyog kagawasan.”

—Juan 8:32

ANG GAHUM SA DIOS DIHA SA TINUOD NGA MAGTUTUO

45

Kadaugan Imbis Kapildihan

Kay ang tanang anak sa Dios makabuntog sa kalibotan ug gidaog nato ang kalibotan pinaagi sa atong pagtuo. —1 Juan 5:4

Ug nakita ko ang sama sa bildong dagat nga may sagol nga kalayo. Nakita ko usab ang mga tawo nga nakabuntog sa mananap ug sa iyang larawan ug sa numero nga nagsimbolo sa iyang ngalan.... —Gipadayag 15:2

Ang Gahum Sa Dios Nagpatubo

Busa magpadayon kita diha

sa hingkod nga pagtulon-an ug dili kita magpabilin sa unang ang-ang sa mensahe nga Cristohanon. Dili na nato balikon ang mga pagtulon-an mahitungod sa paghinulsol gikan sa mga buhat nga mosangpot lang sa kamatayon ug ang mga pagtulon-an mahitungod sa pagtuo sa Dios.

—Hebreo 6:1

Sama sa mga bata nga masuso, pangandoy kamo sa lunsayng gatas nga espirituhanon aron sa inyong pag-inom niini motubo kamo ngadto sa kaluwasan.

—1 Pedro 2:2

46 ANG GAHUM SA DIOS DIHA SA TINUOD NGA MAGTUTUO

Kalig-on Sa Ispiritu

Naghangyo ako sa Dios nga tungod sa kadagaya sa iyang himaya, lig-onon niya ang inyong espirituhanong kinabuhi pinaagi sa iyang Espiritu. —Efeso 3:16

May kalig-on ako sa pagsagubang sa tanan tungod sa gahom nga gihatag kanako ni Cristo.

—Filipos 4:13

Wala Magsalig Sa Tawhanong Salabutan

Ang akong pagpanudlo ug pagwali dili pinaagi sa madanihong mga pulong sa tawhanong kaalam kondili pinaagi sa pagpasun-

dayag sa gahom sa Espiritu sa Dios. —1 Corinto 2:4

Gahum Sa Pagsangyaw Ug Isip Usa Ka Testimonyo

“Apan kon mokunsad na kaninyo ang Espiritu Santo, makadawat kamog gahom ug mahimo kamong akong mga saksi sa Jerusalem,...ug sa tibuok kalibotan.” —Mga Buhat 1:8

Uban sa dakong gahom, ang mga apostoles nagsaksi mahitungod sa pagkabanhaw sa Ginoong Jesus ug ang Dios nagpanalangin pag-aayo kanilang tanan.

—Mga Buhat 4:33

ANG GAHUM SA DIOS ALANG SA PAGTIPIG SA MGA MAGTUTUO

47

Wala ako maghangyo kanimo nga kuhaon mo sila gikan sa kalibotan kondili nga bantayan mo hinuon sila batok sa Yawa.

—Juan 17:15

Ug ang kalinaw sa Dios nga dili matugkad sa tawo, manalipod sa inyong kasingkasing ug hunahuna diha sa inyong pagkahiusa kang Cristo Jesus. —Filipos 4:7

“Tungod kay gituman mo man ang akong sugo nga magpailob ka, ilikay ko ikaw sa mga kalisdanan nga moabot sa kalibotan aron pagsulay sa tanang mga

tawo.” —Gipadayag 3:10

“Alang sa makadaog ug mopadayon pagbuhat sa akong kabubut-on hangtod sa kataposan, hatagan ko silag gahom sa pagmando sa mga nasod.”

—Gipadayag 2:26

...Lig-ona ang inyong kaugalingon diha sa pagpakighiusa sa Ginoo pinaagi sa iyang dakong gahom. Isul-ob ninyo ang tanang kahimanan sa gubat nga gihatag sa Dios kaninyo aron makasukol kamo batok sa mga pagpanglimbong sa Yawa. —Efeso 6:10b, 11

*Ato Pinaagi Sa Pagtuo, Ang
Atong Way Utlanang Dios
Lamang Ang Makahimo*

“Kon motuo kamo, madawat ninyo ang bisan unsa nga inyong pangayoon pinaagi sa pagampo.” —Mateo 21:22

“Kon magpabilin kamo kanako ug ang akong mga pulong magpabilin kaninyo, makapangayo kamog bisan unsa ug madawat ninyo kini.” —Juan 15:7

“Pangayo ug kamo hatagan; pangita ug kamo makakaplag; panuktok ug ang pultahan ab-

lihan alang kaninyo. Kay ang mangayo hatagan ug ang mangita makakaplag ug ang manuktok ablihan.” —Mateo 7:7, 8

“Ang tinuod mao kini: ang motuo kanako magbuhat sa akong mga buhat ug magbuhat siyag labaw pa niini kay moadto man ako sa Amahan. Ug buhaton ko bisan unsa ang inyong pangayoon sa akong ngalan aron himayaon ang Amahan pinaagi sa Anak. Kon mangayo kamo bisag unsa sa akong ngalan, buhaton ko kini.” —Juan 14:12-14

Pangitaa ang kalipay diha sa GINOO, ug hatagan ka niya sa imong gipangandoy. Itugyan sa GINOO ang imong pagkinabuhi; salig kaniya ug motabang siya kanimo. —Salmo 37:4, 5

Ug ang Ginoo mitubag, “Kon duna kamoy pagtuo nga sama sa gidak-on sa liso sa mustasa, makasugo kamo sa kahoy nga sikomoro, ‘Maibot ug mabalhin ka ngadto sa dagat!’ ug kini motuman kaninyo. —Lucas 17:6

Ug ang akong Dios magsangkap sa tanan ninyong gikinahanglan sumala sa naghingapin

niyang bahandi diha ni Cristo Jesus. —Filipos 4:19

Busa, mga igsoon, kon wala magsudya kanato ang atong konsensya, may kaisog kita nga moatubang sa Dios. Ug atong madawat gikan kaniya ang bisan unsa nga pangayoon nato kay gituman man nato ang iyang mga sugo ug gibuhay ang makapahimuot kaniya.

—1 Juan 3:21, 22

“Nganong miingon ka man, kon makahimo? Ang tanan mahimo sa tawo nga may pagtuo!” miingon si Jesus. —Marcos 9:23

Scripture texts are taken from the *Ang Bag-ong Maayong Balita*, © 1999 Philippine Bible Society. Used with permission. All rights reserved.

Ang mga Basahon gikutlo gikan sa *Ang Bag-ong Maayong Balita Biblia* © 1999 sa Philippine Bible Society. Gigamit nga may pagtugot. *All rights reserved.*

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts**

Cover photo STSci-PRC2003-11a of Helix Nebula courtesy of NASA and STSci

World Missionary Press
PO Box 120
New Paris, IN 46553-0120 USA
www.wmpress.org

1-25



Read booklets online or by App
www.wmp-readonline.org

716 Cebuano POG